



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46

Vår dato
01.02.2017
Dykkar dato
18.01.2017

Vår referanse
2017/950 433.2
Dykkar referanse

Bjørn-Harald Lavik
Slettaveien 970
5939 SLETTA

Løyve til utsetting av Fjelledelgran

Bjørn Harald Lavik får løyve til å plante 500 fjelledelgran på gnr. 14. bnr. 6 i Radøy kommune. Det er knytt vilkår til løyvet.

Vi viser til søknaden om utsetting av fjelledelgran til juletreproduksjon, mottatt 18. januar 2016.

Innhald i søknaden

Det er søkt om å sette ut 500 fjelledelgran på 1,5 daa av gnr. 14. bnr. 6 i Radøy kommune. Arealet i utsettingsområdet er oppgitt som fulldyrka eng. Formålet med utsettinga er juletreproduksjon på innmarksbeite som ikkje lenger er i bruk. Trea skal hoggast før dei når reproduktiv alder.

Fylkesmannens vurdering

Saka er handsama etter forskrift om utsetting av utanlandske treslag til skogbruksformål, heimla i naturmangfaldlova. Ved utøving av offentlig mynde som kan påverke naturmangfaldet skal prinsippa i naturmangfaldlova §§ 8-12 ligge til grunn for sakshandsaminga, jf. § 7.

Informasjon i søknaden, kunnskap om fjelledelgran frå Artsdatabanken og registrerte forekomstar av trua artar og naturtypar frå Naturbase og Artskart ligg til grunn for handsaminga, jf. naturmangfaldlova § 8. Dette gir eit godt grunnlag for å fatte ei avgjerd, og føre-var-prinsippet i § 9 er difor tillagt lite vekt.

Fjelledelgran er ikkje svartelista og er vurdert til låg økologisk risiko, ifølge Artsdatabanken. Utsettingsområdet er tidlegare innmarksbeite ved Gjerde i Radøy kommune. Det er ikkje registrert trua artar eller naturtypar i utsettingsområdet, men tiltaket er planlagt tilgrensande eit område med lokalt viktig edellauvskog. Bruk av innmarksareal til juletreproduksjon med fjelledelgran vil etter vår vurdering ha liten påverknad på det tilgrensande skogområdet.

I denne delen av Radøy er det relativt store skogbruksareal med både norsk gran og sitkagran, med tilhøyrande utfordringar knytt til spreining av bartre. Her er det snakk om

juletreproduksjon og trea skal hoggast før dei set frø, og tiltaket vil difor i liten grad bidra til å auke den samla belastninga frå framande bartre i området, jf. naturmangfaldlova § 10.

Omfanget av tiltaket er lite, skal skje på innmark og vil ikkje påverke trua artar eller naturtypar direkte. Vi meiner difor at det ikkje er grunn til å anta at utsettinga vil medføre vesentlege uheldige følgjer for naturmangfaldet, jf. utsettingsforskrifta § 7.

Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette, jf. naturmangfaldlova § 11.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gir dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel og gjødsel, har vi ikkje spesielle merknadar til dette i denne saka.

Vedtak

Bjørn Harald Lavik får løyve til å plante 500 fjelledelgran på gnr. 14. bnr. 6 i Radøy kommune. Det er knytt vilkår til løyvet:

- Løyvet gjeld området avteikna på kartvedlegget til søknaden.
- Alle tre må hoggast før dei set frø.
- Rutinar for å sikre hogst før frøsetting må etablerast.
- Det skal førast logg over produksjonen der tal på tre, treslag og årstal for planting kjem fram.
- Dette dokumentet må gjerast kjent og bli overført til ny grunneigar ved eventuelt eigarskifte.
- Dersom juletreproduksjonen blir avvikla må alle trea hoggast.

Vedtaket er heimla i forskrift om utsetting av utanlandske treslag.

NB!

Eit løyve gitt i medhald av forskrift om utsetting av utanlandske treslag til skogbruksformål gir ikkje automatisk omdisponering av dyrka og dyrkbar mark til skogproduksjon. Ved spørsmål om omdisponering kan du kontakte kommunen.

Klagerett

Alle med rettsleg klageinteresse kan klage på vedtaket innan tre veker, jf. forvaltningslova §§ 28 og 29. Klagen skal stilast til Miljødirektoratet, men sendast til Fylkesmannen i Hordaland.

Med helsing

Olav Overvoll
Seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.